

շիրմի» հետ կապված, նույն իսկ Գրիգոր յեպիսկոպոսի յեղբոր գերեզմանն այստեղ է, և Հոնան վանահայրն էլ նույն յեպիսկոպոսի հիշատակը Հավապտիկուսն է հավերժացնում: Այս հանգամանքները բնականաբար այն միտքն են զարթեցնում, թե հիշված անձինք կարող են Սաղբակեան տոհմի հետ ազգակցական առնչություն ունենալ, թեև հաստատել կարելի չէ, որովհետև Հավապտիկը կարող էր մի ուրիշ յերկրորդական տոհմի հանգստարանն ևս լինել:

Բայց մենք ունինք մի շարք խաչքարեր և արձանագրություններ, վորոնք բուն Սաղբակյան տոհմի հիշատակներ են: Դոցանից հնագույնը մի խաչքար է Հավապտիկ լերան հյուսիսային կողմին, Վանք գյուղից դեպի Հավապտիկ կամ Դարբասները տանող ճանապարհի վերայ, տարաբաղաբար կիսով չափ փչացած:

Ի թվիս ՈՒԲ (=1173) ի հա(յրապե)տութե սն Ստեփան/ոսի և ի թագավորո . . . Սրահան գս որդի ճաջա . . . կանգնեցի զխաչս ի . . . ր: մնո? որ կարդ . . . :

Նույն Սրահանգը մի խաչ էլ ունի կանգնած յուր հոր հիշատակին դարձյալ նույն տեղում:

Եւ Սրահանգս կանգնեցի զխաչ սիմ^ո հաւրն Զաջու/ւա, որք երկրպագէք . . . (կտորած) . . .

Մի յերրորդ խաչքար՝ կից սրան՝ 1214 թ. նույնպես կապված է Սրահանգի անվան հետ. խաչի կանգնողի անունը պարզ չէ, կարող է կարդացվել Փայշաղ կամ Փայտաղ, բայց ավելի հավանական է առաջինը. վորովհետև չորրորդ տողի մեջ «աչերս» (=խահերս) բառի չ-ի նման է ընդգծվածը, բոլորգրի ձևով:

Ի թվիս ՈԿԳ էր Եւ Փայշաղա(?)յս . . . Սրա յհագին(s!)կ(?)ագն . . . ի զա աչերս ի փրկութիւն հո գոյ իմո եւ բարէխաաս (s!) առ քս ծնաւդաց մերոց*:

Այս տեղ հիշված Զաջուը կամ ճաջուը նույն չէ մեր հիշատակարանի Զաջուռի (Բ) Վանհնու հոր հետ, այլ նրա ավագ ազգականներից մեկը, հավանորեն պապը, իսկ Սրահանգը Սաղբակի յեղբայրը կամ Զաջուռ Բ-ի հորեղբայրը: Բլրի գլխին՝ յեկեղեցու մոտ՝ գտնվում է մի մեծ խաչ, արձանագրության մի մասը գետնի մեջ թաղված, կարդացվում է այսբան.

* Այս յերեք արձանագրությունն էլ առաջին անգամն են հայտնվում բանասիրության և արժանի են ուշագրության նաև հնագրական տեսակետով, մի քանի տառերի շեղադրի նմանությամբ: Յերրորդ արձանագրության մեջ յերկրորդ տողի «Փայշաղայս» բառի մեջ չ առաջ, ինչպես և չորրորդ տողի «աչերս»-ի մեջ—ա-ն բոլորովին տարրինակ են իրենց ձևով. նաև յերրորդ տողում «կագն», կ-ն, գլխի վայր գրված:

Թի ՈՒԳ (= 1184) Եւ Հասան որդի Սաղբա . . . * Քանդակված է յեղնավոր մի ձիավոր, գլխին սաղավարտ, միրուքավոր, յերկար նիզակը աջին, ձախով բռնել է սանձը. ձիավորի ձախ կողքից կախված է լայն և կարճ սուր: Ձիու պարանոցը աղեղնաձև, գլուխը քաշ ձգած, պոչը հանգույց: Ձիավորի առաջ նկատվում է աշտարակի նման մի բան, վորի հետևից մի մարդու գլուխ. այս մասը կիսով չափ թաղված է հողի մեջ:

Մի այլ մեծ խաչքար ունի այսպիսի արձանագրություն.

Եւ Վասակ կանգնեցի զխաչս ի տապանի եղբաւր իմոյ Աբուսի. թիւ ՈՍ.

Սաչի վերևի ձախատից՝ դեպի հորիզոնական թևերը՝ կախված է մի զույգ վողկույզ, իսկ ներքևից՝ ձողի վերա բարձրանում են դեպի նույն թևերը մի մի քշոցաձև բոլորակ՝ մեջը խաչ: Մի կողմը քանդակված են յերկու յեղնավոր մարդկային ֆիգուր, վորոնցից մեկը գոտուց հորիզոնական ձևով կախված է մի յերկար սուր, աջ ձեռքին բաժակ բռնած, ձախը կրծքին. գլխին սաղավարտ: Սորա դիմաց կանգնած է մյուսը, ձախով փարչ բռնած, աջը կրծքին: **

Ովքեր են Հասան և Վասակ՝ խաչարձանների կանգնողները. Արձանագրություններից յերևում են, վոր Հասան և Զաջուռ Բ. յեղբայրներ են, մի և նույն Սաղբակի վորդիքը: Անհավանական չէ, վոր այս Հասանը նույն լինի Որբելյանի յիշած Գրիգոր Բագաց թագավորի փեսա Հասանի հետ, վոր խաչեցից էր, Գեոաքարից: Նորա վերադարձը հայրենիք կատարվել է 1170 թ ին:*** Գեոաքարը Սաղբակյանների նստոցն է, Հավապտիկ հարավ արևելյան փեշին: Ժամանակն ու տեղը, գրեթե, հաստատուն հիմք կարող են ծառայել նույնացնելու այս յերկու Հասանները: Վասակը նույնպես Սաղբակի վորդին պիտի լինի, և նույն Պոռոյանց իշխանության հիմնադրի հետ, վոր կանգնել և յուր յեղբոր հիշատակին այս խաչքարը, յերբ դեռ ևս Սաչեհուսն էր և չէր հաստատված Վայոց ձորում իբրև կողմնակալ—իշխանապետ: Վանհնու հայր Զաջուը, վորին անվանեցինք Զաջուռ Բ., ունի յերկու արձանագրություն, յերկու մեծ և գեղեցիկ խաչքարերի վերա, բլրի գագաթին՝ վանքի մոտ. գոցանից մեկը նա կանգնել և յուր ՍըԳ պատ, մյուսը Հասան վորդու տապանի վերա, յերկուսն էլ 1224 թ.

Թուականն ՈՂԳ էր եւ Զաջ/ուռ որդի / Սաղբակայ / կանգնե / ցի

* I. Орбели. Бытовые рельефы на Хаченских крестных камнях XII и. XIII вв. СП. 1915. Оттиск из записок Восточ. отд. имп. русск. археологического О-ва. յեր. 3 (329): Որբելին կարդում է. «ՈՒԳ. Եւ Հասան որդի Սանբակա . . . են. ** Սաչքարերի բարձրաքանդակների համար տ. Որբելու վերոհիշյալ հողվածը: *** Որբ. 337